



## Future-proofing our children

Sekolo sa Tshipi Thuto: SS2

Setlhogo

Jeso o fodisa monna yo o suleng  
mhama

Mokaedi wa batsadi  
Sekolo sa Tshipi ithutelo lapeng



## Go Motsadi

O amogelesegile mo “**Jeso o fodisa monna yo o suleng mhama**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

| Kgato | Tiriso                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          |
|-------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.    | <p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p><a href="https://bit.ly/3NACSSHS">https://bit.ly/3NACSSHS</a></p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| 2.    | <p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> <li>• Baebele</li> <li>• Mokwalo wa thuto wa PDF o o setseng o baakantswe.</li> <li>• Pena, metako le lekwalo la ngwana, etc.</li> <li>• Setshwantsho sa motshikhinyego se se leng thuso e nngwe</li> <li>• Katakasima le Dipotso le dikgarabo (bogolo jang ban aba sekolo sa Tshipi)</li> </ul> <p><b><i>Ela tlhoko:</i></b></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsewedisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kebelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i></p> <p>2.3: Thuto e lebaganye (Bana ba sekolo sa Tshipi).</p> <p>2.4: O ka kopa thuso mo morutabana wa gago wa sekolo sa tshipi fa o tlhoka thuso.</p> |



|    |                                                                                                                                        |
|----|----------------------------------------------------------------------------------------------------------------------------------------|
| 3. | Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.          |
| 4. | Dira seemo se se siameng, se se senang dikgoreletsi se wena le bana/ngwana le leng fa go tshwanang.<br><b>Sekai:</b> Nnang mo phateng. |
| 5. | Bala thuto. E bale gape gore o e tthaloganye.<br>Lebelela setshwantsho sa motshikinyego go re o tthaloganye botoka.                    |
| 6. | Kwala dintlha tsa botlhokwa tse o batlang go di gakologelwa.                                                                           |

## Go ruta thuto ya sekolo sa Tshipi mo lapeng

O ka ipaakanya le go ruta thuto e jang

Re tswelela ka go abalana maele a go ipaakanya le go ruta thuto e:

| Kgato | Tiriso                                                                                     |
|-------|--------------------------------------------------------------------------------------------|
| 7.    | Tthaloganya maikaelelo a thuto a e leng gore ngwana wa gago o tshwanetse go a gakologelwa. |
| 8.    | Ruta ngwana wa gago thuto jaaka polelo, o ka nna wa bala.                                  |
| 9.    | Supegetsa ngwana wa gago setshwantso sa motshikinyego mme o soboke molaetsa.               |
| 10.   | Laela ngwana go dira tekeletso e mo lokwalong la gagwe la ikatiso                          |
| 11.   | Rapela, kana kopa ngwana wa gago go rapela go tswala thuto.                                |

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS 1.
2. Buisanyang ka thuto le batsadi ba bangwe go tsaya tthaloso pele ga o ka ruta.
3. Gololesega go tthotlhomisa ka thuto e gore o nne le kitso e e oketsegileng



# Thuto

|                           |                                                                                                                           |
|---------------------------|---------------------------------------------------------------------------------------------------------------------------|
| <b>Setlhogo sa thuto</b>  | Jeso o fodisa monna o suleng mhama                                                                                        |
| <b>Temana</b>             | Mareko 2: 1-12                                                                                                            |
| <b>Maikaelelo a thuto</b> | Bana ba ithuta gore Morena Jeso o kgona go fodisa mowa le mmele. Re bona botlhokwa jwa go nna le ditsala tse di siameng.. |

## Tshoboko ya thuto:

- Ka letsatsi lengwe,mo toropong ya Capernaum,go rapame monna mongwe mo di phateng,a sa kgone go tsamaya ka a sule mhama.Batho ba mmitsa mona le bogole.Monna yo o ne a sa itumela ka gore o ne a tsaya gore modimo nkabo a sa mo fa maoto,ka gore ga kgone go tsamaya ka one ka jalo o ne a tsaya gore modimo ga a mo rate. .
- Ga tla makawana a le mane,ba nneng e le ditsala tsa mona le bogole.Mongwe wa bone a raya mona le bogole a re, “Jeso o boetse ko Capernaum ka mokoro tsatsijeno.O bua le batho mo ntlong e e kgakala mo motsing. O setse a fodisitse batho ba le bantse. A ga o bate goya ko go ene le wena? Ka bone jwa rona re tla go rwalela ko go Jeso. Re ditsala tsa gago le Jeso o tla go thusa. O tla bona. O tla go fodisa”.
- Ditsala tsa gagwe di ne tsa mo tsholetsa tsa mo isa go ya go bona Jeso.
- Ba ne ba sa tlhoke go batla ntlo e Jeso a buelang mo go yone. Ebile batho bangwe ba eme kwa ntle mo mokgwatlheng fa pele ga ntlo, ba kgothagane mme mongwe le mongwe a leka ka bojotlhe go bona Jeso kana go utlwa se a se buang. Ga ba ipaakanyetsa go bula phatlha ya gore monalebogole a tsenngwe ke ditsala tsa gagwe. Makawana a mane a tshwanetse go dira jang jaanong? Ka bane ba feditse megopolo ba rwalela tsala ya bone ko godimo ga marulelo a ntlo.
- Ka didirisiwa dingwe ba phunya marulelo.Ba tsenya mona le bogole ka diphate tsa gagwe ka phatlha e ba e dirileng, go fitlha a sala a rapame fa fatshe ha dinaong tsa ga Jeso.
- Ka kgakgamalo, Jeso a bona matlho a tletseng tsholofelo a mo lebile go tswa ko phatlheng e e kwa godimo ga ntlo. Ka bonako a bona tumelo e banna ba ba mo tsentseng ka yone le tshepo ya bonne ya mo itumedisa.



- Morena Jeso a bona kafa mowa wa mona le bogole o lwetseng ka teng. Ka jalo a fodisa mowa wa mona le bogole lantlha. A mo raya a re “Ipele! Modimo o na le wena. O a go rata. Dibe tsa gago di itshwaretswel!”
- Jeso a raya mona le bogole a re, “Emelela, tsaya phate ya gago, o ye motsing.”

### **Motlholo:**

- Jaanong motlholo wa diragala: Monna o ema ka dinao, O tsaya phate ya gagwe o gata dikgatonyana go tsamaya mo ntlung e tletseng batho e.
- Ditsala tsa gagwe di kuwela kwa godimo! Batho ba gakgametse. Ba raana ba re: “Ga re ise re bone sepe sa go tshwana le se.”
- Morena Jeso o ba supegetsa gore ga se moaki, mm eke mmoloki le morekolodi. Gape o na le thata ya go itshwarela dibe.



## Thuto e e raya eng mo go rona tsatsi jeno?

- Re ithutile eng tsatsi jeno?
- Re tshwanetse go leba ko go Jeso Keresete fa dilo di sa re tsamaele sentle mme re sa itumela.
- Re tshwanetse go tshwana le ditsala tse nne ka ba ne ba tswa mo ditseleng tsa bone ba thusa tsala ya bone, mme le rona re thuse ditsala tsa rona.
- Jeso o tla fodisa Mowa wa rona pele a ka fodisa mmele wa rona. Se se raya gore o tla tlamela pele letlhoko la rona la semowa pele fa a ka tlamela la selefatshe. Ka jalo ga go reye gore Jeso ga a utlwa dithapelo tsa rona fa re ise re amogele se re se kopileng.
- Mme fa re ise re bone sepe, go raya gore ga ise e nne nako kana Jeso o santse a re baakanyetsa sengwe se se botlhokwa.
- Re tshwanetse go nna le tumelo mo go Jeso.

## Dipotso tse re ka di botsang:

- A o tlhaloganya gore mona le bogolo o ne a ikutlwa jang?  
**Karabo:** Monna yo ga a lwale mo naming fela, mme ka gore o pelo e botlhoko e bile ga a na tsholofelo, Moya wa gagwe o a lwala le one.
- O tsaya gore go motlhofo go dira eng: Go fodisiwa kana go itshwarelwa dibe?  
**Karabo:** Motho o kgona go lemoga fa molwetse a fodisitswe, mme gore o itshwaretswe dibe ga o kake wa bona. Morena Jeso o fodisa ka leina la Modimo a bo a itshwarela dibe ke leina la Modimo. O ne a tlhomamisa gore mowa le mmele di a fodisiwa. O re itshwarela dibe gape o a re fodisa.
- Polelo e e ka tswelela jang?  
**Karabo:** Mona le bogole jaanong o fodisitswe. O itumetse, tumelo le tsholofelo ya gagwe di ntshafaditswe. O tla tswelela go gasa lefoko la ga Jeso mme a tlise botlhe baba latlhegetsweng ke tumelo le tshepho mo go Jeso.



**Thapelo ya ga mme le rre e rapelwang pele ga thuto:**

*Morena o o rategang*

*ke lebogela letsasti le.*

*Re lebogela pabalelo ya gago le lerato la gago.*

*Thusa tlhaloganyo le pelo ya me go tsepama*

*Mo go se ke yang go se ithuta.*

*A ke gakologelwe gore ke ka go tshepha gotlhelele.*

*Ke lebogela ditshegofatso tsa gago.*

*Ke ya go rata Rara.*

*Amen.*

|                                                                                            |
|--------------------------------------------------------------------------------------------|
| <br>Notes |
|                                                                                            |
|                                                                                            |
|                                                                                            |
|                                                                                            |
|                                                                                            |
|                                                                                            |
|                                                                                            |
|                                                                                            |
|                                                                                            |
|                                                                                            |